

MKPASIP MUSTARD YE LEAVEN

Matthew 13:31-33

ỌYỌHỌ UKPEP-ŃKPỌ 77

Eke Mkparawa

IKỌ IBUOT: “Adańoro ndinen owo eyeyama nte utin ke Obio Ubọń Ete mmọ” (Matthew 13:43).

Esin Mme Jew Ke Ntak Unana Edinim Ke Akpanikọ

Nnyin ima ikpep ke akpatre ukpep-ńkpọ ite ke Obio-ubọń Heaven ekenyene ńtọńọ esie ke ini Jesus okodude ke isọń. Jesus akasańa ke kpukpru ebiet onyuuń ọkwọrọ abańa obio-ubọń Esie, ọnọ mme Jew ke akpa ifet ye mme Idut ńko.

Mme Jew ekedi ubon emi Abasi ekemekde, ekekere ke eritọńọ ete ke mmọ edi nditọ Obio-ubọń; edi ke ini mmọ ekesinde ukpep-ńkpọ Jesus, Enye ama ọdọhọ ete: “Edi ndọhọ mbufo nte, Ediwak owo eyeto ke edem usiaha-utin ye edem usop-utin, edisuhọre etetie ye Abraham, ye Isaac, ye Jacob, ke Obio Ubọń Heaven: edi eyeduok nditọ Obio Ubọń ke ekim ke ańwa-ańwa: do ke eritua eyet ye erita edet eyedu” (Matthew 8:11, 12). Mme owo oro eketode “ke edem usiaha-utin ye edem usop-utin” ekedi mme andinim ke akpanikọ ke otu mme Idut (Gentile). Abasi ọmọnọ kpukpru nnyin ọyọhọ ifet ndiduk ke Obio-ubọń Esie.

“Ńkpọ Oro Edide Ndisime Ke Ererimbot”

Jesus akada Obio-ubọń Esie odomo ye mkpasip Mustard. Ke obio oro, mkpasip mustard ekedi kiet ke otu mme mkpasip emi ekpride ekan, edi mkpasip emi esikọri onyuuń okpon akan mme mbiet eken, ekpere ndikpon nte akamba eto. Ke ini oro Jesus ọkọkwọrọde ikọ Abasi, Obio-ubọń Esie ekedi ata ekpri. Enye ọkọkwọrọ ikọ akpan-akpan ọnọ mme Jew, ndien nnyin imọfiok ite ke usen Pentecost, edi owo 120 kpọt ekenam item Esie ke ndibet ke ubet enyọń tutu esine mmọ odudu emi otode ke enyọń. Mmọ emi ekeyerede ikot Esie ikedighe ikpọ owo ke ido nte ererimbot ediońọde; mmọ eketo ke otu mme ọkọ-iyak, ye mme ọbọ-utomo (Publican) ye mme ubuene, ye mme usuhọre owo. Edi Jesus “ekemek ńkpọ oro edide ndisime ke ererimbot man Enye esuene mbon eti ibuoť” (1 Ńwed Corinth 1:27).

Ke Edisana Spirit ama ekedi edidoro mbet, mmọ ema ebọ odudu ndika ke ofuri ererimbot ńkọkwọrọ etop Obio-ubọń. Utom emi ama ọtọńọ ndikọri. Mmọ emi ekedide mmem-mmem, emi ekefeńede ke ini ekedide ndimum Jesus ke ińwań ema enyene odudu idahaemi ndisọńọ nda uko-uko, nnọ ukpep-ńkpọ Jesus nnyuuń ńkwọrọ Eti-mbuk Obio-ubọń, okposuk edi ọkọwọrọde mkpa ọno mmọ. Ntem ke Obio-ubọń emi ọkọtọńọ ndikọri, ndien Abasi adian ediwak ukpọń ọnọ ufok-Abasi okposuk edi nte ukọbọ okokponde.

Ema ewot mme Isuuń-utom ye ediwak mbet ye mme anditiene Jesus kiet-kiet ke ntak mbuotidem mmọ ye Jesus. Mmọ kpukpru ema enyene ọkposọń mbuotidem ke Obio-ubọń emi Enye ọkọkwọrọde tutu mmọ isinke ndikpa man mmọ eda mme ukpọń efen esin ke Obio-ubọń.

Ifiopesit Eke Misańake Ye Ifiok

Ini Akwa Ekim ama edi emi ekewotde ediwak ndisana ikọt Abasi ke ntak mbuotidem mmọ. Nte Obio-ubọń ama abiara? Eto mustard ama aka iso ọkọri, okoń ke idaha, enye ke osuk ọkọkọri tutu mfin emi. “Eyenyyuuń ekwọrọ Gospel ubọń Abasi emi ke ofuri ekondo nte ntiense enọ kpukpru mme idut, ndien adańaoro ke utit eyedi” (Matthew 24:14). Emi ọwọrọ utit eyo emi, idighe utit Obio-ubọń. Obio-ubọń emi eyeka iso ke nsinsi. Ke ini Ukara Tọsin Isua, enye eyefuk ofuri ererimbot ndien kpukpru owo eyedia ufọn esie kpa nte mme inuen ke mme ńkọk mustard

Leaven

Jesus ama otop ńke efen ọnọ mmọ emi okowutde nte Obio-ubọń oro editarade. Emi ekedi nte leaven, me yeast etarade ke udia. Edieke akanam okutde nte owo anamde bread, eyekut ete ke ata ekpri yeast emi edade esin ke ebok ndom-uyo eyenam enye ofut onyuuń ọtọt. Okukip emi edade ekibi usan ikemeke ndifik enye nnim; odudu yeast emi ọsọń tutu ebok uyo emi eyeka iso ofut onyuuń ọtọt tutu emenere se ekedade ekibi enye.

Mme idiok owo ke emana ye emana edomo ndida “okukip” mfik Eti-mbuk emi nnim. Mme owo ke edidomo ndibiat ukwọrọ-ikọ Obio-ubọń Abasi mfep ekọbọ Ikọt Christ eti-eti, edi Obio-ubọń emi osuk akaka iso ndikọri okposuk edi nte ubiońọ odude. Leaven eke Eti-mbuk abuaha ye kpukpru udia, oro edi ke enye asuana oduk ke kpukpru ebiet ke ofuri ererimbot. Enye edi Ikọ Abasi ndien baba odudu owo me eke Satan ikemeke ndisọhi enye mfep ke iso isọń.

Se Owo Enyenede Ndinam Man Odot Ndidi Eyen Obio-ubọń Heaven

Nso ke owo enyene ndinam man ebe oduk ke Obio-ubọń emi? Jesus ama ọdọhọ ete, “Idighe kpukpru owo emi ekotde Mi ete, Ọbọń, Ọbọń, ediduk ke Obio Ubọń Heaven; edi owo eke anamde uyo Ete Mi emi odude ke Heaven”

(Matthew 7:21). Enye nko ama ototo nta etin ete, "Ibhoke mbufo ewotore ekabare etie nte nkpri nditowon, mbufo ididukke ke Obio Ubon Heaven" (Matthew 18:3).

Ke ini akparawa owo inyene oro ekedide etiene Jesus ndibup mbaña usuñ erinyaña, Jesus ama ama enye, okpokonyuñ okop inemesit ndinam enye edi eyen Obio-ubon Esie. Edi sia enye mikonyimeke ndikpon inyene esie, akparawa oro ama adaha onyoni. Ndien Jesus ama ototo mbet Esie ete: "Ke akpaniko ke ndoto mbufo, ototo owo inyene ndiduk ke Obio Ubon Heaven. Mmonyun ototo nta ndoto mbufo nte, edi mmem-mmem nkpo ye camel ndibe ke odudu abiabon, akan owo inyene ndiduk ke obio ubon Abasi" (Matthew 19:23, 24).

Do ke nnyin ikut ite mmọ eke ewutde idem ete idi mme anditiene-Christ ke ini mmọ midighe, enyuñ edotode ete, "Obon Obon," ididukke edieke mmọ minamke uduak Ete, eyeson eti-eti ye mbon inyene emi emade inyene mmọ ekan nte mmọ emade Andinyaña ndiduk; mme idiok owo nko ididukke: "Koro mbufo emetim efiok emi, ete, baba anam use kiet, mme anam mbubiam ido, mme esin esit ke nkpo owo, emi edide okpono ndem, inyeneke udeme ke Obio Ubon Christ ye Abasi" (Nwed Mbon Ephesus 5:5).

"Yak Ubon Fo Edi"

Obio-ubon osuk odu ke idaha edikokori; ke edada mmọ emi eyomde ndidi ndito Obio-ubon. Nditọ Obio-ubon edi mmọ eke enyenede Obio-ubon oro ke esit mmọ.

Ke ini Jesus editotode nta edi, eyenim Obio-ubon emi ke ison, ndien mmọ emi esukde ibuot eno Andinyaña eyenyene udeme ke ukara Esie ke otosin isua mi ke ison. Jesus ama ekpep mbet Esie ndibon akam, ntem "Ete nnyin emi odude ke Heaven: Yak ikpono Enyin Fo, Yak ubon Fo edi; Yak inam uduak Fo; Nte enamde ke Heaven, yak inam ke ison kpasuk nte" (Matthew 6:9, 10). Ke adanaemi ediwukde Obio-ubon Abasi ke ison eyenam uduak Esie.

Nditọ Obio-ubon

Jesus ama etin abana ini oro ke ini Enye akadiade Akpatre Udia Mbubreyo ye mbet Esie: "Ndiwonke aba mfri vine tutu Ubon Abasi edi" (Luke 22:18).

Nnyin ikpanwana adana didie man inyene itie ke Obio-ubon emi! Nnyin ikpenyene ndikut ite ke uwem nnyin onwum mme mfri spirit, "Ima, ye idaresit, ye emem, ye ime, ye mfon-ido, ye eti ido, ye erinam akpaniko, ye ifure-ifure ido, ye mfara ke idem" (Nwed Mbon Galatia 5:22, 23). Edieke nnyin ikabarede esit inyun "ikabare itie nte nkpri nditowon," ndien ima Abasi osuk odu ke esit nnyin, do ke nnyin idi ndito Obio-ubon, iyenyun inyene udeme ke ukara Christ ke ererimbot emi adanaemi Enye edifiakde edi.

MME MBUME

1. Ekebem iso ekworo Eti-mbuk Obio-ubon eno mme anie?
2. Nso idi nta emi mme Idut edibemde mmọ iso?
3. Ekesuan didie Eti-mbuk ke ini Jesus ama okonyon aka ke Heaven?
4. Nso ke akana mbet enyene mbemiso mmọ enyene odudu ndikworo ik?
5. Anie anam Obio-ubon okori onyun atara mfin?
6. Didie ke nnyin ibo odudu ndida nkọ mme ukpon nnọ Christ?